

Broj: 03-04-262-3/2025
Sarajevo, 14.07.2025. godine

PARLAMENT FEDERACIJE BOSNE I HERCEGOVINE

Predstavnički dom

gđa. Marijana Hrvic-Šikuljak, poslanik
gosp. Ivan Miličević, sekretar ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		14-07-2025	
Org. jed.	Broj	Priloga	Vrijeme
05/1	-02-	235	125

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva finansija, broj: 04-02-5-4163/25 od 07.07.2025. godine, koji sadrži odgovor na poslaničko pitanje, koje je postavila poslanik Marijana Hrvic-Šikuljak.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

6979

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA
FEDERALNO MINISTARSTVO FINANSIJA

BOSNIA AND HERZEGOVINA
FEDERATION OF BOSNIA AND
HERZEGOVINA
FEDERAL MINISTRY OF FINANCE

Broj: 04-02-5-4163/25
Sarajevo, 07.07.2025. godine

FEDERACIJA BOSNE I HERCEGOVINE
VLADA

n/p Edita Kalajdžić, sekretar Vlade

SARAJEVO

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO: 11.07.2025			
Organizaciona jedinica	Klasifikacioni oznaka	Redni broj	Broj priloga
03-	04-	262-	3/2025

PREDMET: Prijedlog Odgovora, dostavlja se

Veza: Vaši akti broj: 03-04-262-3/25 od 30.04.2025 i 03.06.2025. godine

Poštovana,

Vezano za Vaše akte, broj i datum veze, koji se odnose na akte Predstavničkog/Zastupničkog doma Parlamenta Federacije Bosne i Hercegovine, broj: 05/1-02-235/25 od 28.04.2025. godine i 30.05.2025. godine, kojim se traži odgovor na zastupnička pitanja koja je postavila Marijana Hrvić-Šikuljak, zastupnica u Predstavničkom domu Parlamenta Federacije BiH, u nastavku dajemo Prijedlog odgovora:

Na osnovu člana 6. stav (1) Uredbe o metodologiji izračuna i usklađivanja najniže plaće ("Službene novine Federacije BiH", broj: 106/21), Vlada Federacije Bosne i Hercegovine (u daljem tekstu: Vlada), do 31.12. tekuće godine, odlukom utvrđuje najnižu plaću za narednu kalendarsku godinu. Najniža plaća za narednu godinu se utvrđuje ili usklađivanjem iste u skladu sa članom 5. Uredbe ili u iznosu većem od iznosa usklađene plaće, s tim da ista ne može biti niža od iznosa koji je bio utvrđen za prethodnu godinu. Najniža plaća za 2025. godinu, utvrđena je u skladu sa članom 6. stav (3) Uredbe, a nakon više održanih sastanaka sa Ekonomsko-socijalnim vijećem, u iznosu višem od iznosa koji bi se dobio usklađivanjem. S tim u vezi Federalno ministarstva finansija/finansija je u saradnji sa Poreznom upravom Federacije BiH pripremio fiskalnu procjenu efekata Odluke o iznosu najniže plaće za 2025. godinu, a na osnovu Baze podataka kojom raspolaže Porezna uprava.

U saradnji sa predstavnicima poslodavaca, identificirani su najosjetljiviji sektori u vezi sa primjenom predmetne Odluke, i poduzeto je niz mjera koje će ublažiti ili potpuno neutralizirati efekte povećanja troška plaće kod zaposlenika kojim se isplaćuje plaća u

skladu sa navedenom Odlukom (kao i povećanog troška plaće za zaposlenike kojima se ne isplaćuje minimalna plaća, usljed indirektnog efekta primjene Odluke).

S tim u vezi Vlada je donijela:

- Uredbu o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji Bosne i Hercegovine u cilju održavanja postojećih radnih mjesta za 2025. godinu ("Službene novine Federacije BiH", broj 8/25),

- Uredba o mjerama finansijske pomoći niskoakumulativnim djelatnostima u Federaciji Bosne i Hercegovine u cilju održavanja postojećih radnih mjesta za 2025. godinu, ("Službene novine Federacije BiH", broj 12/25),

- Također, prema dostupnim informacijama u pripremi je i nova Uredba o mjerama finansijske pomoći humanitarnim, socijalnim i obrazovnim djelatnostima u Federaciji Bosne i Hercegovine u cilju održavanja postojećih radnih mjesta za 2025. godinu.

Navedenim uredbama se poslodavcima omogućuje refundiranje dijela uplaćenih doprinosa za obavezna osiguranja ili dijela isplaćene plaće.

Vlada je donijela i uredbe o isplatama pomoći, na osnovu kojih poslodavci mogu isplaćivati mjesečnu pomoć svojim radnicima bez obaveze uplate poreza i doprinosa za obavezna osiguranja na istu:

- Uredbu o izmjeni i dopuni Uredbe o isplati pomoći od strane poslodavca ("Službene novine Federacije BiH", broj 104/24), kojom je produžena primjena Uredbe o isplati pomoći od strane poslodavca ("Službene novine Federacije BiH", broj 56/24) i omogućena isplata pomoći do 31.01.2025. godine. Potom je donesena i nova

- Uredba o isplati pomoći radnicima od strane poslodavca ("Službene novine Federacije BiH", br. 8/25 i 14/25).

Opredjeljenje Vlade je da se stope doprinosa postepeno smanjuju. S tim u vezi, na prijedlog Vlade, već je donesen Zakon o izmjenama i dopunama Zakona o doprinosima ("Službene novine Federacije BiH", broj 33/25), kao i Pravilnik o izmjenama i dopunama Pravilnika o načinu obračunavanja i uplate doprinosa ("Službene novine Federacije BiH", broj 48/25). Na osnovu navedenog Zakona smanjena je zbirna stopa doprinosa za 13,25%. Smanjenje stopa doprinosa na ovaj način rezultat je brojnih sastanaka predstavnika Vlade i socijalnih partnera koji djeluju kroz predstavika Ekonomsko-socijalno vijeće za teritoriju Federacije Bosne i Hercegovine.

U vezi sa dijelom pitanja i obrazloženjem, koji se odnosi na porast naplate doprinosa u 2025. godini, ukazujemo da naplata doprinosa bilježi rast i u prethodnim godinama (primjera radi, naplata u 2023. godini je veća za 14,62% u odnosu na 2022. godinu, naplata u 2024. godini je veća za 9,18% u odnosu na 2023. godinu), pri čemu treba imati u vidu kategorije realnog i nominalnog rasta prihoda od doprinosa (uzrokovanog i inflacijom).

U vezi sa predmetnim, u cilju smanjenja opterećenja troškova rada i realizacije postepene fiskalne reforme, u narednim fazama, novim zakonskim rješenjima, namjera je smanjiti rigidnost sistema doprinosa u Federaciji BiH u odnosu na ostale Evropske zemlje, što između ostalog podrazumjeva i širenje obuhvata primanja na koja bi se plaćali doprinosi za obavezna osiguranja i usklađivanja propisa kojim se reguliraju prava iz osnova uplaćenih doprinosa kao i propisa iz oblasti Jedininstvenog sistema registracije, kontrole i naplate doprinosa, kao i smanjiti sivu ekonomiju, a što će u svakom slučaju biti rezultat detaljnih analiza i procjene uticaja predloženih budućih rješenja kao i dogovora socijalnih partnera u Federaciji Bosne i Hercegovine, o čemu će i uvažanim poslanicima biti, blagovremeno, dostupne informacije. S tim u vezi naglašavamo da je, pored smanjenje troška plaća, prioritetni cilj i održivost vanbužetskih fondova pri tome uvažavajući kompleksnost trenutne fiskalne održivosti fonda penzijskog i invalidskog osiguranja, fondova zdravstvenog osiguranja i fondova zapošljavanja iz kojih radnici crpe svoja prava.

S poštovanjem,

